

आकाशवाणी

खबरां विजय बजाज कोला

1. प्रधानमंत्री नरेंद्र मोदी अज्ज राश्ट्री राजधानी च 2 नमें दिल्ली-मेट्रो गलियारें सने कई सारी परियोजनाएं दा शुभारम्भ करडन।
2. नेपाल च बालेंद्र शाह हुं' दी राश्ट्री स्वतंत्र पार्टी-आर.एस.पी. संसदी चुनाएं च भारी जित हासल करने बक्खी अगड़ी बधा करदी ऐ। प्रधानमंत्री नरेंद्र मोदी होरें चुनाएं दे काययाब आयोजन लेई नेपाल दे लोकें ते सरकार गी मुबारकबाद दिती ऐ।
3. अज्ज अंतरराश्ट्री महिला दिवस मनाया जा' रदा ऐ। राष्ट्रपति द्रौपदी मुर्मू अज्ज नमीं दिल्ली च राश्ट्री सतह दे इक कार्यक्रम गी संबोधित करडन।
4. बदेश मंत्रालय नै आखेआ ऐ जे पच्छिम एशिया च संघर्ष शुरू होने दे बाद थमां 7 मार्च तगर खाड़ी देशें थमां 52 जहार शा मते भारती नागरिकें गी स्वदेश वापस आहन्नेआ गेआ ऐ।
5. मर्दे दे आई.सी.सी टी-20 क्रिकेट विश्व कप दे फाइनल च अज्ज संझा भारत दा मुकाबला न्यूजीलैंड कन्नै होग।

PM-Delhi Metro

प्रधानमंत्री नरेंद्र मोदी अज्ज नमीं दिल्ली च तकरीबन 33 ज्हार 500 करोड़ रुपें दिएं विकास परियोजनाएं दा उद्घाटन करडन ते केइएं दा नीह पत्थर बी रक्खडन। ओह तकरीबन 18 ज्हार 300 करोड़ रुपे दी दिल्ली मेट्रो परियोजनाएं दा लोकार्पण करडन ते केइएं दा नीह पत्थर रक्खडन। प्रधानमंत्री दिल्ली मेट्रो दे द'उं नमें गलियारें दा बी उद्घाटन करडन। इंदे च मजलिस पार्क ते मौजपुर बाबरपुर दे बश्कार आहला 12 किलोमीटर शा मता लम्मा पिक लाइन गलियारा ते दीपाली चौक थमां मजलिस पार्क दे बश्कार तकरीबन 10 किलोमीटर लम्मा मैजेंटा लाइन गलियारा शामिल न। एहदे'नै दिल्ली दे बुराड़ी, जगतपुर-वजीराबाद, खजूरी खास, भजनपुरा, यमुना विहार, मधुबन चौक, हैदरपुर बादली मोड़, भलस्वा ते मजलिस पार्क दे जातरिएं लेई आओजाई सौक्खी बनग।

<><><><><><>

Nepal Election

नेपाल च, रैपर थमां सियासतदान बने दे बालेंद्र शाह हुं'दी राश्ट्री स्वतंत्र पार्टी-आरएसपी संसदी चुनांस च भारी जित हासल करने बक्खी अगड़े बधा करदे न। 35एं ब'रें दे बालेन्द्र, बालेन नांस कन्नै लोकप्रिय न। उ'नें झापा-5 निर्वाचन हलके च चार बारी प्रधानमंत्री रेंह सीपीएन-यूएमएल पार्टी दे के.पी. शर्मा ओली होरें'गी तकरीबन 50 ज्हार वोटें कन्नै हराया। आरएसपी ने कल रातीं साङ्ठे 9 बजे तगर घोशत 97 सीटें दे नतीजें चा 77 सीटां जिती लैती दिआं न। इंदे च

काठमांडू जिले दिआं सब्बै 10 सीटां शामिल न। पार्टी नै 48 सीटें पर बढत बी बनाई दी ऐ। नेपाली कांग्रेस-एनसी ने 11 सीटां जित्तिआं न ते 7 सीटें पर अग्गे ऐ। नेपाल कम्युनिस्ट पार्टी-यूएमएल ने छड़ी 5 सीटां जित्तिआं ते 7 पर अग्गे ऐ। प्रतिनिधि सभा लेई 5 मार्च गी होए दे चुनांs च, तकरीबन 60 फीसद मतदान होआ हा। तोआई प्रधानमंत्री नरेंद्र मोदी होरें कामयाब चुनांs लेई नेपाल दी जनता ते सरकार गी बधाई दिती ऐ।

<><><><><><>

PM-Nepal Congrats

प्रधानमंत्री नरेंद्र मोदी होरें इक सोशल मीडिया पोस्ट च मोदी होरें नेपालवासिं गी उंदे लोकतांत्रिक अधिकारें दा पूरे उत्साह कन्नै इस्तेमाल करने पर खुशी प्रगट कीती। उनें आखेआ कि एह ऐतिहासिक उपलब्धि नेपाल दे लोकतांत्रिक सफर च इक गौरवपूर्ण घड़ी ऐ। प्रधानमंत्री होरें आखेआ कि इक मितर ते गोआंपी दे रूपै च भारत नेपाल कन्नै मिलियै रमानदारी, तरक्की ते खुशहाली दियां नमियां उंचाइयां छूने लेई बचनबद्द ऐ।

<><><><><><>

Women's Day

अज्ज अंतर्राष्ट्रीय महिला दिवस ऐ। इस बरें इस ध्याड़े दा विशे-सार ऐ-महिलाएं ते बालिकाएं लेई अधिकार, न्याs ते कार्रवाई। एह महिला अधिकारें गी मजबूत करने, न्याs धोड़ी पुज्ज जकीनी बनाने ते मर्दे ते महिलाएं च बरोबरी च

तेजी आह्वानने दी भावना गी दर्शादा ऐ। इस मौके उप्पर अज्ज देशभरै च केई कार्यक्रम होआ करदे न। राष्ट्रपति द्रौपदी मुर्मु नमीं दिल्ली दे मानेकशॉ सेंटर च इक समारोह च शामिल होंडन। महिला ते बाल विकास मंत्री अन्नपूर्णा देवी ते राज्य मंत्री सावित्री ठाकुर बी कार्यक्रम च मजूदा रौहडन। महिला ते बाल विकास मंत्रालय अज्ज कर्तव्य-पथ पर बक्ख-बक्ख खेतर दिएं महिलाएं दे कन्नै शक्ति वाँक दा आयोजन करा'रदा ऐ।

<><><><><><>

Prez. Women's Day

राष्ट्रपति द्रौपदी मुर्मु होंरें अंतर्राष्ट्रीय महिला दिवस पर शुभकामनां दित्तिआं न। उ'नें आखेआ जे महिलां समाज ते राष्ट्र दी नीह न ते शिक्षित, आत्मनिर्भर ते सशक्त महिलां समृद्ध ते प्रगतिशील राष्ट्र दे निर्माण च महत्वपूर्ण जोगदान देई सकदिआं न। राष्ट्रपति होंरें आखेआ जे महिलाएं शिक्षा, विज्ञान, खेड्डें, कला ते रक्षा सने केई खेतरें च अपनी प्रतिभा ते मेहनत दा परिचय दिता ऐ। उ'नें आखेआ जे अज्ज युवा महिलां नमें भारत दे सुक्खने साकार करा करदिआं न। राष्ट्रपति होंरें सबनें नागरिकें गी महिलाएं गी बरोबर दे मौके उपलब्ध करोआने आहले समाज दे निर्माण लेई इकजुट होने दा आह्वान कीता।

<><><><><><>

West Asia foreign Ministry

बदेश मंत्रालय ने आखेआ ऐ जे पच्छम एशिया च संघर्श शुरू होने दे बाद थमां 7 मार्च तगर खाड़ी खेतर थमां 52 जहार शा मते भारती नागरिकें गी स्वदेश वापस आहन्नेआ गेआ ऐ। बदेश मंत्रालय दे प्रवक्ता रणधीर जायसवाल होरें आखेआ ऐ जे सरकार पच्छम एशिया ते खाड़ी मुखें दिएं घटनाएं पर लगातार तक्क रक्खा करदा ऐ। उ' नें आखेआ जे औने आहले दिनें च होर मते भारतीयें गी वापस आहन्नेआ जाहग। श्री जायसवाल होरें आखेआ जे भारती नागरिकें गी राजदूती दफ्तरें पाससेआ जारी दिशा-निर्देशों दी पालमा करने दी सलाह दिती गई ऐ। उ' नें दस्सेआ जे भारती दूतावासें हेल्पलाइन शुरू कीती दिआं न। मंत्रालय ने सोआलें दा परता देने लेई नमीं दिल्ली च इक बशेश नियंत्रण कक्ष बी स्थापित कीता ऐ।

<><><><><><>

PM-Webinar

प्रधानमंत्री नरेंद्र मोदी होर कल संगारें 9 मार्च गी सबका साथ सबका विकास : शिक्षा कौशल ते युनिवर्सिटी टाउनशिप विशे पर इक वेबीनार गी संबोधत करडन। सूचना ते प्रसारण मंत्रालय नै दस्सेआ ऐ कि वेबीनार च केंद्री बजट 2026-27 दिएं घोशणाएं पर तफसीली चर्चा होग। इस वेबीनार दा मकसद मुखें च शिक्षा, हुनर, एनिमेशन ते विजुअल इफैक्ट्स, गेमिंग ते कॉमिक्स ते क्रिएटर इकोनामी सरबंधी तंत्र गी मजबूत बनाना ऐ।

<><><><><><>

ECI-Voter List

भारत दे मुख् चनांs आयुक्त जानेश कुमार होरें आखेआ ऐ कि सेही मतदाता सूचि गै लोकतंत्र दी बुनियाद ऐ ते मतदाता सूचि दी नमें सिरेआ व्यापक जांच ते नजरसानी आहली (एस.आई.आर) प्रक्रिया दा मकसद बी इये ऐ जे योग्य मतदाता वोट देने दे अपने अधिकार कोला महरूम नेई रेही जान। कल कोच्ची च केरल विधानसभा चनांs दिएं तैयारिएं दी समीक्षा करने दे बाद जानेश कुमार होरें आखेआ कि केरल नै देश दे केई हिस्सें गी लोकतंत्र दे तौर तरीके सिखाए न। उनें आखेआ कि राज्य भर च कुल 30 जहार 470 मतदान केंद्र होडन जिंदे च कोई 5 जहार नमें केंद्र शामिल कीते गे न ते पारदर्शिता यकीनी बनाने लेई इनें सभनें केंद्रें पर वेब कास्टिंग दी बवस्था कीती जाहग। चनांs आयुक्त होरें इब्बी आखेआ कि 397 मतदान केंद्रें दा प्रबंधन पूरी चाल्ली महिलां करंगन ते 790 कोला मते मतदान केंद्रें गी आदर्श मतदान केंद्र बनाया जाहग।

<><><><><><>

Badminton

ऑल इंग्लैंड ओपन बैडमिंटन प्रतियोगिता च भारत दे लक्ष्य सेन नै फाईनल च अपनी थाह पक्की करी लैती ऐ। कल होए दे रोमांचक सेमीफाइनल मुकाबले च लक्ष्य नै कनागा दे विक्टर लाई गी 21-16, 18-21, 21-15 कन्नै हराया। अज्ज

संज्ञा 5 बजे बर्मिघम च होने आले फाइनल मुकाबले च लक्ष्य दा सामना चीनी ताईपे दक लिन छुन-यी कन्नै होग।

<><><><><><>

IMD

मौसम विभाग नै अज्ज ते कल हिमाचल प्रदेश, सौराश्ट्र, कच्छ, आंध्र प्रदेश दे समुंद्री इलाके ते गुजरात च लू चलने दे असार दस्से न। औंदे दऊं, त्रऊं दिनें दरान पच्छमी राजस्थान ते कोंकण च बी ऐसी गै स्थिति बनी दी रौहग। ओपिशा च कई इलाकें च गणकी लिशिकयै बरने दे तेज ब्हा चलने दे इमकान न। अगले 4 दिनें दरान पच्छमी हिमालयाई क्षेत्र दे किश हिस्सें च बद्दोबद्द तापमान आम कोला 8, 10 णिग्री उप्पर रेही सकदा ऐ। मध्य भारत च बी तापमान इस दरान दो कोला त्रै णिग्री उबड़ा जाई सकदा ऐ।

<><><><><><>